

05 DECEMBRIE
RUGACIUNEA
SF. CUVIOS
SAVA CEL SFINTIT
DE LA PALESTINA

Моли́тва

О предивный и всехва́льный уго́днице Бо́жий, преподо́бне о́тче Са́вво! Днесь (во святе́м хра́ме твоём) благоговейно предста́юще пред святою ико́ною твоёю и ра́достно соверша́юще пресве́тлую па́мять твою́, ублажа́ем тя засту́пника на́шего. Почита́юще же твоё ве́лие дерзнове́ние пред Го́сподем, смире́нно мо́лим тя, преблаже́нне: приими́ ми́лостивно от нас хвале́бное пе́ние си́е, от любве́ и усер́дия тебе́ приноси́мое. И, я́ко име́яй ве́лие дерзнове́ние ко Го́споду, потщи́ся богоприятным твои́м ходата́йством испроси́ти у Царя́ ца́рствующих и Го́спода господа́ствующих, я́ко да проба́вит вели́кия и бога́тыя ми́лости Сво́я на нас грешных, да пода́ст нам дух пра́вья ве́ры, дух ведения́ и любве́, дух ми́ра и ра́дости о Ду́се Свя́те, да изба́вит от бед и напа́стей, да низпо́слет вся полёзная ко спасе́-

нию душ наших. Всем же православным да низпослет мир, тишину, безмятежие, усердие ко исполнению заповедей его, изобилие плодов земных, и да избавит всю русскую страну от глады, труса, потопа, огня, меча, нашествия иноплемennых и междоусобных брани, смертоносных язвы и от всякаго зла. Ей, угодниче Божий! Не презри молений наших, но услыши нас молящихся тебе, и под кровом заступления твоего сохрани нас (и обитель твою) ненаветны от враг видимых и невидимых, да сподобимся скончати житие наше в покаянии и восприимем вечная благая во Царствии Христа Бога нашего, идеже восхвалим с тобою и всеми святыми достопоклоняемое имя Пресвятыя Троицы, Отца и Сына и Святаго Духа, во веки веков. Аминь.